

流

寇

志

流寇志卷一

海鹽彭孫貽

蒲州屬山西
府陝西有蒲城
蒲城縣屬陝西
西西安府屬
廣西延安府
米脂亦屬延安府

白水屬陝西
府宜君屬延安
延慶府延安府

崇禎元年戊辰陝西海饑七月白水盜王二等聚眾掠蒲州韓城境十一月府谷民王嘉胤率其黨楊六不沾泥等羣掠富家粟有司捕之急聚為盜米脂李自成張獻忠皆往從之獻忠狡黠多智自成少為驛卒曉築善走工騎射一時嘯聚饑者群附陝西巡撫胡廷晏昏耄惡聞盜郡邑之以賊報者不時省曰此饑民徐自定耳於是有司不以聞白水盜王二劫宜君縣獄北合於嘉胤眾至五六千聚延慶之黃龍山此陝寇之始也

洪承疇以兵擊賊破之多俘獲嘉亂自成等走山谷得免烈
皇帝初登大寶軍事屢興每憂餉匱計臣以核兵足餉說進邊
吏承風整汰裁餉數十萬薊兵噪離伍上復軫郵傳困兵料給
事中劉徽御史毛羽健請建驛遞足國用臣申嚴令甲非勅使
不得給郵符即乘傳有額無收濫用縣官錢歲首緡百十萬自
燕起迤西直秦晉輪蹄孔道游手之民執鞭逐馬走多仰食驛
料驛眾既蕃輪鞅漸稀驛丁車徒數十載儉無所得食相聚為
盜給事中許國榮御史李思憲請寬驛站如初額不許給事中
倪嘉慶私論曰驛遞之設貧民藉以自食者賴之裁之太過將

宜川屬陝西延安

鄖陽屬湖廣

延綏一也

自前朝川西至

寧夏鎮遠一千

五百餘里鎮城

舊在好德

鋌而走險此盜生之始也俄而李自成果以驛卒被戮走入高
迎祥隊中後遂以亡明朝野咸服其先見 王左掛名王同曲
美飛山虎大紅狼起于宜川

崇禎二年己巳正月壬戌初六鄖陽撫治都御史梁應澤奏漢
南王太梁益熾撫標止步兵三百請益兵陝西巡撫胡廷晏
延綏巡撫岳和聲各奏洛川淳化三水略陽清水成縣韓城宜
君中部石泉宜川綏德葭羅靜寧潼關陽平閿金鎮關所在流
寇蜂起給事中薛國觀劾陝西舊撫喬應甲撫奏置盜却不問
實釀其禍請飭吏治以弭盜上是之 鄖陽撫治梁應澤奏陝

賊王大將三千人入略陽徧漢中 己巳十三固原逃兵掠涇陽富平執游擊李英陝西僑兵商維道劉應遇討白水賊王三斬之餘入黃龍山百宿溝 二月劉應遇將毛兵入漢中合川將吳國輔兵擊賊十戰皆捷賊屯垣口峽陽守僑黃元極當先突擊馬蹶步鬪死賊走漢陰應遇令都司解文英同川將吳國輔李標奇追至大石川斬五百級誅渠魁數十人把總李旺得賊首王大紹餘入蜀其匿漢陰山中者咸自殺漢南盜平 三月丙子二十陝寇掠真寧鞏州安化三水游擊高從龍擊走之 四月甲午初九固原賊寇耀州脅糧泰政洪承疇合官民鄉勇

萬餘圍賊王左掛于雲陽賊郭威乘夜雷雨潰圍走淳化入神
道嶺追斬二百餘級劉應遇以兵千人圍漢中賊餘黨于伏
羗之五丁峽將盡殲之寧羗知州陳元瓚疎防盜逸走陝西
巡撫御史判牒劾陝撫胡廷晏弭盜無策盡諉內寇于邊丁延
撫岳和聲諱言邊兵為盜又諉之內地亂民潰卒相煽不已西
安延安諸邑皆被寇盜發于白水之七月則邊賊少而土賊多今
年報盜皆騎銳動至七八千人則兩撫之推諉欺飾實釀之矣
和聲尋卒廷晏罷去以劉廣生巡撫陝西十月戊寅廿七清
兵入喜峰口都城戒嚴山西巡撫耿如杞以兵入衛兵譁于涿

鹿大掠良鄉如杞坐逮論死西兵之潰者竄走剽掠山東北流
寇之始也延綏甘肅兵西陲勁卒也先是萬歷時念西軍勞苦
預給三月糧以為常崇禎己巳秦大旱粟騰貴軍餉告匱延綏
巡撫楊鶴甘肅巡撫梅之煥分道勤王兩軍皆以挾餉而譁時
報西人盜邊之煥鶴各勒兵回鎮其潰卒畏捕誅亡命山谷與群
盜合大盜混天王掠延川米脂青澗起舊撫兵杜文煥勦之
本陳和尚雜記杜強武為予言吾鄉民張氏素號勇有山莊傍
河塘李御史愛其林泉可樂倩人求為別墅張氏勿許李嫉有
司逮以不法事張懼禍偕所知十八人竄身綠林時歲大荒人
咸思亂一嘯聚遂以亡天下張武名文煥榆林縣中名世將也
崇禎三年庚午正月延安盜王于順苗美合潰兵掠延安綏德

衆三四千南圍韓城守將失利時楊鶴_改為陝西三邊總督與
陝西巡撫劉廣生將兵赴援斬首五千級賊走犯清澗陝兵逐
之走西川_後追之降者三百餘人餘潰盡西奔 苗美叔苗登
雲登雲嘯聚于安定總兵杜文煥率兵擊敗之 二月杜文煥
諭米脂清澗諸賊王左掛以其黨二百人降 以洪承疇為延
綏巡撫 王嘉胤_改陷府谷群盜入山西犯襄陵吉州太平曲
沃 山西河內至蒲澤千五百里隣陝河四月王子順苗美自
神木渡河陷蒲縣已分三部東犯趙城洪洞汾霍西掠石樓永
和吉陽賊首自號橫天一字王 五月賊破金鎖關殺都司王

勦調榆林兵憲張福臻提兵討之 六月王嘉龍陷黃甫川清

水二營據守府谷洪承疇杜文煥圍之賊夜劫營官兵擊敗之

延安知府張輦都司刁穆感賊于延川五子順張述聖姻三

兒等俱降惟苗美以八百人走杜文煥追至鐵葉寨單騎入其

營苗美叔登雲登霧降美再以百人遁遣都司王仲寧追之及

于賀家灣賊左右斬美首以獻并殺飛山虎大紅狼等王嘉龍

等掠延安慶陽城堡多陷提督楊鶴巡撫劉廣生因賊求撫止

兵撫賊賊魁黃虎小紅狼一丈青龍江水掠地虎赫小泉給牒

免死安插延綏河軍賊雖焚殺淫掠如故有司不敢告而寇

患成于此矣。兵科給事中劉懋奏秦寇即延慶之兵丁土寇也。邊賊倚土寇為鄉導。土寇倚邊賊為羽翼。六七年來。韓蒲被掠。賊數不多。愚民影附。流劫涇原富耀之間。賊勢始大。當事以不練之兵。勦之不克。又議撫之。其勦也。斬獲皆饑民也。真賊咸飽掠。其撫也。非不稱降。聚眾無食。仍出劫掠。名降實非降也。今年麥苗盡枯。斗粟銀三錢。營卒乏餉三十餘月。即慈母不能保其子。官且奈兵民何哉。此來貪酷成風。民有三金不能納賦之一金。捕一盜而破數十人家。完一贖而傾人百金之產。奈何不驅民為盜乎。營兵曠伍。半役于司道。半折于武邦。所餘老

弱既不堪戰又不練習非督撫清汰操練不能脩實用也。山西流賊破蒲州潞安官兵敗沒。七月御史王道直上言寇起于饑請發餉易米一從保德河路一從洛宜陸路賑饑民庶收拾人心解散賊黨不報。八月王嘉胤勾西人入犯靖邊寨邊兵力戰却之還擊賊日有斬獲嘉胤窮蹙乞降棄府谷奪路走黃甫川獲勾西人掠孤山堡副將李釗被殺洪承疇杜文煥從孤山進擊大破之賊奔潰西人亦引去。王左掛叛李應期定計誅之并敗其黨苗登雲五十七人。陝西巡撫劉廣生罷以練國事代之。賊犯甘州洪承疇發兵赴隴副將曹文詔敗賊。

于甘州固原搃兵楊麒追賊安河口斬首三百賊勢已蹙淫雨
兵憚窮逸聲言邊徼旋師賊合餘燼復熾陝西巡撫練國事巡
按金蘭交章劾麒論戍十月王嘉龍陷清水營殺游擊李顯
宗復據府谷大盜李老柴糾衆三千攻合水寧夏搃兵賀虎臣
擊賊盤谷斬首六百又敗之寧州十一月山西搃兵王國棟
追賊河南西洋大礮裂兵亂賊乘之兵潰賊陷河曲王嘉龍據
河曲官兵攻之數月殺傷相當大雪賊乏食半僵溝壑分股潰
圍南出曹文詔躡擊之不戰走十二月己巳朔盜神一元破
寧塞據之殺叅將陳三槐圍靖邊副使李右梓固守賊勾西人

四千騎入塞攻靖邊三日夜不克遂陷柳樹澗城復攻保安

崇禎四年辛未正月神一元陷保安副總兵張應昌擊敗之斬級二百四十一元及弟立俱死弟一魁領其衆 癸未初九山西賊犯

平陽 庚寅六月王嘉龍渡河掠菜園溝副總兵曹文詔擊却之

上召入覲監司干文華殿問流寇所在山西按察司使杜喬林對曰或在平陽或在河南近已渡河頗大創之但憂兵寡乏餉上曰前奏寇平何尚多也曰山陝隔河去來無定故河南獨被圍又問河曲之陷曰賊未嘗攻乃饑民內應今不早圖有誤國事問陝西叅政劉嘉遇陝寇安在曰一在延安一在宜川兵至

即散去復嘯聚上曰寇亦吾赤子也宜招撫之不可絕勦王左
掛既降又何殺之嘉遇曰彼降仍掠不得已而戮之以示警上
凝思久之命退已亥^{廿五}命御史吳銍齎金赴陝西賑饑撫盜
詔曰陝西屢報饑荒小民失業迫而從賊自罹鋒刃誰非赤子
顛連若此今特發銀十萬兩命御史前去酌受災處次第賑給
曉諭愚民賜從歸正即為良民嘉興維新一體收卹寧武總
兵孫顯祖奏聞喜稷山賊二千餘黨日剿日增官兵二千奔逐
不支乞發京營或調邊騎夾剿命下所督便宜行宣大提督張
宗衡以兵餉並乏不行二月壬子^{初八}總兵杜文煥賀虎臣合

兵圍保安神一魁勾西人千餘騎突圍出糾賊數萬犯寧夏都

指揮王英兵潰諸將棄城南奔 戊午十一魁至慶陽破東關

推官馬一荀知縣李舍村設守游擊伍維藩出戰斬五百人

戊辰廿四賊圍慶陽提督楊鶴在邠乾畏賊威不進宜君賊趙和

尚等南犯涇陽三原韓城澄城俱陷 壬申廿八神一魁陷合水

三月丁丑初五張應昌杜文煥等援慶陽賊解圍楊鶴招撫一

魁 癸未初九賊帥孫繼業茹成名等六十餘人來降送出合水

知縣蔣應昌及保安縣印楊鶴設御座于固原城樓賊拜呼萬

歲宣聖諭設誓解散入伍歸農 甲午七月陝盜劉五可天飛據

鉄角城混天龍獨行狼聚盧保嶺衆各萬餘分犯平涼固原據州涇陽三原混天龍薄寧州分犯環縣賊陷武安走平涼詐稱官兵襲破華亭大盜王老虎園莊浪曹文詔王性善西剿諸賊乘虛四掠楊鶴給降人牒令各還鄉簡其豪千人以叅將吳弘器領之駐寧塞宜君雒川盜復蜂起副總兵曹文詔擊賊于栗園大敗之四月己未十六神一魁以戰騎五千降楊鶴奏請一二萬金賑之陝西巡撫練國事北征宜雒賊楊鶴止其兵賊亦求撫國事受其降賜從饑民給牒回籍首領置軍中

科臣劾宣大提兵魏雲中陝西提督楊鶴惟怯玩寇上切責

雲中鶴令平盜自贖言官交章論鶴鶴疏引咎 曹文詔率裨

將曹變蛟焚萬年衣廟守等拔河曲斬首千五百級獲器械馬

騾數千王嘉胤突圍走 丁卯^{廿四}延綏巡撫洪承疇令守脩賀

人龍勞降者酒入謝伏兵斬之殺三百二十人 庚午^{廿七}賊陷

始興 吳桂奉詔至延長諭賊以禍福委同州趙鶴年分賑解

散凡七十有奇 降盜不沾泥擁衆脇賞攻米脂提兵王承恩

侯拱極以兵三千至葭州洪承疇張應昌兵亦至戰分接戰連

勝之賊遁追至西川斬級三百餘溺死無算官兵屯西川雙湖

谷其間塞寨絕險六十有四盡為賊藪承疇令所在設防堵絕

不沾泥懼將百騎逃關山嶺都司馬科追之盡殲其騎不沾泥
手殺雙翅虎縛勑金龍以降 五月己亥^初王承恩擊破宜川

賊闖王虎金翅鵬乞降

金翅鵬即王
子順佐成功

餘賊走宜君有衆四萬

陝西都司曹變蛟追寧塞遺賊唐毛川四戰皆捷先後斬級一

千四百餘賊大潰軍塞稍息

晉兵過糴榆林斗米銀六錢草

根木皮盡人相食御史吳桂至榆林上疏以榆林為西北雄鎮

宿將勁兵出焉雜販牟利商民欣赴初無損于晉若以防河為

名而絕秦人之命恐謀國之計失矣

延安賊趙四兒擁萬衆

掠韓城郃陽靈川秦將張全昌以五百人戰三日斬首三百賊

走鄜川追之斬首六百榆林大旱四年延安飢民甚衆西安大旱
巡撫練國事請賑不報趙四兒降洪承疇撫盜王子順往榆
林巡按御史李應期誅之上謂賊勢蹙甚招撫為非殺之良是
命吳桂馥奏丁酉_四延綏榆林大雨如有禾庚子_七滿大旱

乞降楊鶴選驍勇置營中散其黨萬二千命其魁分部回籍不
數月皆叛去壬寅_九賊萬人自合水保安逃出城_攻中部降丁

田近菴內應城陷張獻忠以二千人受撫延綏巡撫洪承疇

六月癸卯朔曹文詔擊斬王嘉龍于陽城其黨推王自用為
首號紫金梁其黨自相名曰老回回八金剛闖王闖將八大王

掃地王聞蹋天破甲錐邢紅狼亂世王混天王顯道神鄉里人
治地草等分為三十六營 辛酉^廿九郡州賊混天獼張孟金謀
襲靖邊張應昌邀之真水川追斬四百級 癸亥^廿混天獼獨
行狼等萬餘人自甘泉犯合水洪承疇將兵逐之甘泉山中混
天獼等乞降 七月癸酉朔寇入沁水士民棄村堡多避入山
谷中張忠烈公銓家縣東北竇莊初忠烈父尚書五典謂天下
將亂築牆為堡人多笑其迂拙乙亥^初賊犯竇莊尚書已歿忠
烈子道濬^{都督}錦衣衛道濬^{戶部}主事任京師惟夫人霍氏守舍衆議棄
堡去夫人語少子道濬曰避賊而出家不保出而復遇賊身不

免等死耳死于家不猶愈于野乎我堅守賊必不得志部署僅
僕禦之賊至環攻堡夫礮傷賊衆退休一舍丙子初昧爽賊聞
官兵且至拔營去其避山谷者多被賊淫殺張氏宗族獨得全
冀北道副使王肇生表其堡曰夫人城賊首上天龍王老虎獨
行狼掠鄜州列三營太平原楊鶴王承恩擊破之上天龍等以
二千人降給事中孟國祥曹履泰交章劾晉撫欺蔽御史吳錡
亦言招安之弊載在史冊今宜以先勦後撫為定策如果投戈
棄甲抱旗乞降則剿之中亦自寓撫之意而實以剿堅撫如或
狡詐復逞聚掠不散則撫之時亦自有剿之用而不因撫廢剿

上是之 癸未十一月逮楊鶴下刑部獄論成以洪承疇總督陝西
三邊 丁亥^五曹文詔等擊賊連敗之賊東北奔是役也合四
鎮兵先後數十戰窮追半月賊遁山谷延安慶陽千里烽火少
息 甲午^{二十}趙四克六千餘人東渡山西陝督洪承疇等以兵
逐之入沁水 辛丑^九陝西賊陷中部練國事王承恩擊之斬
首千二百 八月癸卯^二初搃兵賀虎臣擊斬慶陽賊首劉六殲
其黨五百西路漸平 陝西巡按御史李應期奏秦賊旋撫旋
叛上命御史吳桂勣奏桂言延慶地瘠民窮連年旱荒盜賊蜂
起東路則王嘉胤政府谷渡河入晉西路則神一元破寧塞安

邊攻保安一元死弟一賊繼之破合水圍慶陽提督楊鶴招撫
四千有奇餘黨郝臨菴劉六等衆不下數萬掠環縣真寧間此
保安合水之流孽也延安四載奇荒邊軍始亂出掠米脂綏德
青澗脇從甚衆幾乎無民流接延南點燈子衆號數萬自山西
回黃龍山西安北界州縣被毒甚慘此延北邊賊流毒西安晉
也近官軍南剿賊望風潛遁滿天星等降于榆林餘賊遂北降
賊雖散原籍仍復劫掠于是有官賊之謠人恨招撫之失矣點
燈子衆五六千在青澗旋撫旋叛慶陽郝臨菴劉六等亦曾受
道臣周自強之撫今陷中部者甚衆也降賊獨頭虎見大兵來

已出韓城潼關道臣胡其俊猶追送贖錢九十萬賊復橫索給之
惟謹今當集兵會剿殲其渠而餘衆自破明賞罰而士氣自鼓
秦事猶可為也 山西賊陷澤州蒲州 洪承疇以糧盡駐慶
陽大敗趙四兇于山西桑落鎮 九月山西賊入河北犯濟源
神一魁復叛據寧塞劫守將吳宏器范禮官兵攻圍之其黨
黃友才斬一魁以獻 獨頭虎蒲天星一丈青上天猴等五部
四掠宜碓副總兵趙大胤在韓城去賊營二十里不敢出戰士
民強之出斬五十級驗之皆婦女首給事中魏呈閏劾大胤草
職 壬辰以張福臻巡撫延綏 黃友才復叛去官兵追斬十

一百級泐承疇擒斬趙四兒

即點燈子

四兒起青澗綏德秦晉沿河

郡縣多被殺掠至是伏誅平陽稍安其黨黑煞神過天星蝎子

塊紫金梁等尚數十營自賊據中部官軍圍兩月不下十月張

福臻曹文詔兵至克之

陝賊陷宜川

十一月丙子

初七陝賊譚

雄通奸民陷西塞擄掠一空丁丑初八執生員郭汝盤以乞撫聞

十一月復據西塞承疇乃命曹文詔戴君恩等合圍而潛師夜

趨西塞于十三日暮抵城下合王承恩李卑之兵四面夾擊一

鼓百道並登克其城共斬五百三十餘級擒譚雄等五人獲衣

甲器械無算西塞賊平

癸丑

十四陝降賊不沾泥張存孟等陷

安定甲子^{五廿}王承恩克安塞斬首五百進剿安定賊潛走綏德

降賊混天猴勾盜陷甘泉劫餉銀十萬八千兩殺知縣郭永

圖脩兵河西張允登戰死洪承疇令王承恩分勦賊以甘泉為鄰

延咽喉將四百人自赴之武寧提兵禦顯祖敗賊竭于塊于萬泉

十二月甘泉賊陷宜君又陷葭州脩兵僉事郭景嵩死之

己丑^廿諸降盜復叛攻綏德上憂延綏賊蔓延以山陝督撫

請餉疏切責戶兵二部兵部尚書熊明遇請措餉二十萬金接

濟秦中甲午^{六廿}孫顯祖擊賊于河津聞喜六戰皆捷

崇禎五年壬申正月延綏賊混天猴偽為米商入宜君遂陷之

知縣李廸康把穩馬麟田恭魏安等俱逸復陷保安合水流入
山西者陷蒲州永寧大掠四出山西巡按御史羅世錦歸咎于
秦謂以鄰為壑給事中裴君賜晉人也上言責成秦之撫鎮驅
之回秦而後再議勦撫洪承疇請留陝西餉銀二十萬賞勦餉
并以勸農從之寧塞逸賊合環慶諸寇屯鎮原之蒲河欲犯
平涼走鳳翔漢中陝撫練國事檄固原脩兵王振奇副總兵王
性善等截守各隘口檄平涼副總兵董志義兵脩徐如綸等守涇
川馬關各要害檄總兵楊嘉模游擊趙光遠等緝奸殺賊塘為
斷其耳目賊遂不敢出又乏食互相猜疑洪承疇從鄜州間道

裹糧四晝夜疾至慶陽曹文詔將臨洮兵與賀虎臣兵俱會于西澳夾擊賊大小十餘戰追奔數十里斬首千餘級傷墜亡寨寧塞寇盡惟混天猴等尚據襄樂練國事移鎮寧州時以西澳之捷為順兵第一戊午十二月承疇擊破賊于槐安堡賊雖奔竄南破華亭大寇王老虎據莊浪官兵追捕皆潛匿延西諸寇既盡郝臨菴可天飛等獨據鉄角城獨行狼跳入其伍耕牧為持久計聞他盜平甚懼承疇文詔擊破之斬可天飛生得郝臨菴獨行狼皆誅之西澳捷後軍聲大振承疇與下同甘苦得士卒心曹文詔忠勇善戰用兵四年斬級三萬西人稍一休息然

亦憊甚矣。甲子^廿陝西原任通政司馬鳴世奏曰：三秦為海
內上游，延安、慶陽為關中屏翰，榆林為延慶藩籬。無榆林，必無
延慶矣。延慶必無，關中為盜發以來，攻城屠野，四載于茲，盜衆
我寡，盜飽我饑。內鮮及時之餉，外乏應手之援。廟堂之上以延
慶眚延慶，未嘗以金秦眚延慶；以秦眚秦，未嘗以天下安危眚
秦。且誤眚此盜為饑民，燎原莫可撲救。若非亟增大兵，措大餉
為一勞永逸計，恐官軍驚于東，賊馳于西，師老財匱，竭乎莫禦。
天下事尚忍言哉？乞勅所司亟措餉二十萬，給民牛種，為兵士
犒賞，庶全秦安而各鎮安矣。張應昌等擊黃友才斬之。二

月寧塞賊復熾 庚寅二月天狼夜入鄜州備兵僉事郭應鸞
死之 三月陝賊陷華亭殺教官郭邦榮知縣徐兆麟赴任廿
七日城陷逮諭死人多惜之 山西巡撫宋統殷檄取調成雁
門張道濬為軍前贊畫游造佛朗機統殷駐師平陽遣游擊王
尚義劉光祚合兵擊賊癸丑六十戰于臨縣三教村小有斬獲賊
走逐之官兵亂行無次賊反兵乘之官兵大潰光祚僅以身免
賊東出岳陽將犯沁水張道濬間道出浮山援沁水 四月乙
亥初八賊犯沁水寧武守倫樞忠與道濬都司張道法游擊張瓚
等將家兵同擊賊樞忠將前鋒賊伏平頭山邀擊寧武兵樞忠

戰死張璠馳援救出餘兵百五十人斬首十餘級擒七人奪馬
騾五十賊南趨澤州阻于河北掠長子 湖廣賊自興國入江

西秦和吉安 七月山西賊陷大寧 八月曹文詔破賊于甘

泉洪承疇令脅從者免殺降四千餘人散去亦數千人餘賊竄

山谷 宋統殷命諸軍擊賊于長子賊南奔沁水庚辰五勦金

梁老回八金剛以三萬人圍寶莊張道濬得罪家居率其族

禦却之賊退焚堡外廬舍偵道濬在堡呼于西壁下道濬登陴

見之索金梁免胄而前曰我王自用也

一名王和尚

棄家學道誤從

王嘉胤至此此來乞降平道濬曰若偕來者安在因呼老回

至壁下道潛曰急還所囚散若衆吾為請于撫院給免罪券往
犯所不復問身家可全矣賊逡巡未應一人前跪曰我宜川廩
生韓廷憲也為王嘉胤所獲不能自拔今當奉約即離此地五
日為期前途當如約遂還所據二百人拔營前去西入陽城統殷
率諸軍追及于陽城小嶺勝之道潛馳赴軍中以賊情告曰賊
狡未可信然韓廷憲可圖也統殷令道潛遣使陰招廷憲圖賊
賊先留閻將黑煞神掃地王三營于汾西屯陽城二十八營咸
就約惟八大王閻場天等五營不受命前驅走翼城諸營盡西
廷憲陰告使者曰賊中有撓謀者俟至舊縣當解甲其舊縣屈

岳陽浮山沁水之中地平衍可屯聚賊按甲不動廷憲日從事於
針綢歸款未決諸軍乘其不備輕騎襲之賊怒尤廷憲廷憲懼
賊分兵南犯濟源河北兵却之遂陷溫縣九月庚戌十賊復
至沁水執張道濟釜頭張偉將殺之廷憲爭曰官兵貪利敗盟
竄莊相去二百里必不聞乃釋之廷憲陰告偉曰賊多二三已
疑我恐不免三更遲我坪上邨當斷紮金梁頭以來坪上居沁
河與端氏相望因伏兵待之夜遣偉入賊營佐廷憲廷憲已約
紮金梁左右共圖之賊夜攻蓋氏樓周圍掘深尋丈樓不崩紮金
梁矢必路之雞既鳴不寢有告廷憲出入無時者廷憲聞之同

衛倉卒奔追者及河伏起殺追者滾山虎等六人僅擁廷憲暨
妻子以東^來辛亥^十昧爽賊臨沁河索廷憲道濬吳詞謝之陰渡
上流統賊後登張家山鳴礮大噪賊驚南走遇官軍于澤州大
敗官軍殺都司吳必先太原賊魁豹五破臨縣據其城沁
水賊南下太行山破河南修武殺知縣劉鳳翔縣尉俞守鈺訓
導朱家^家紳士僕來問焚青華鎮旁掠武涉暉縣圍懷慶府泰
將黃士英戰沒守道尹伸知府別如綸率兵民固守不下上以
藩封重地切責河南巡撫樊尚燝殺賊以自贖閩寧兵新復
萊廷議欲乘勝渡河進勦兵部尚書張鳳翼家在山西不可檄

遼兵出關賊遂南渡河 賊之在秦也其有名目者紫金梁滿

天星蝎子塊老回一字王邢管隊領兵王整齊王關場天過

天星南營八大王八爪龍西營八大王二隊八大王不沾泥混

世王曹操亂世王八隊關將張飛九條龍五條龍賀雙金高提

管凡二十四家在晉豫則冀王王鎮虎朱溫趙令君曹操吳計

過天星郝光混天王荆聯子過江王混世王大膽王征西王福

壽王齊天王蜜靈王關和尚老回上天龍出獵雁黑心虎樓

山虎新一字王西營八大王南營八大王北營八大王混天主

紫金梁正天王關王領兵王老邢四隊六隊八隊關場天順義

王凡三十八家 賊盡向河北山西巡撫宋統殷冀北道王聲
封合諸軍次陵川南阻輝縣扼賊歸路令代州陽和兵先驅遇
賊賊衆兵寡力戰破之賊奔北二十里驟遇陵川大軍進退路
窮還兵死闘我兵饑疲退屯石度腰統殷麾之不進道濟下馬
拔刀驅我兵張兩翼與賊爭險者移時昏夜對營兩山巔賊緣
窮谷而登大噪諸軍張勢以待有奪營持去者衆遂亂撫道皆走
張道濟與諸軍相失將百騎夜走附庸村小無屯堡遂趨九靈
臺築立孤峰千尺上容五百人賊從地道至及臺下道濟疾走
以其旗先之賊以為大兵至驕竄士民避寇臺上者鳴鉦鼓飛

亂石佐呼噪賊大奔騎兵逐之奪馬騾百餘器仗亡弄斬其還
鬪者還屯臺上賊偵無後繼還兵圍臺攻之三日夜十月乙
丑朔諸軍咸會賊解圍走河北賊分道南掠上念藩封急命
兵部檄發昌平兵二千二百人以副將左良玉將之援懷慶

宣大總督張宗衡山西巡撫宋統殷副使王聲生會師高平大
破賊桑子鎮賊復入沁水宗衡遣副將追賊南林林復大破之

癸未九月王承恩敗安塞遺賊于西川胡堡賊目喬六斬其黨以
降餘皆遁走延綏稍寧十一月以玩寇縱賊罷宋統殷命許鼎
臣巡撫山西十二月張宗衡許鼎臣合兵逐賊臨縣賊轉入

磨盤山方六百里間正虎據交城之水以窺太原邢滿川上
天龍據趙城岳陽以窺汾州紇金梁聞秦豫毛兵俱集潞澤東
南乘虛走沁水北入榆次至壽陽距太原不五十里時臣旋師
北歸陝賊趙和尚斬其魁霍維端以降因分隸諸將還宜君
庚辰十賊首亂世王在邸壁鎮使人詣張道濬乞撫于督撫
韓廷憲曰此賊與紇金梁爭一婦微構隙今遺書間之稱紇金
梁約縛獻亂世王其黨立散矣亂世王果疑之遣其弟混天王約
降膺盡宗衡返平陽時臣新受事廷議方督進討道濬權詞謝
之約得紇金梁頭始為請于朝混天王涕泣去亂世王因與破

甲錐合謀圖紫金梁賊分為三八大王掃地王西北入霍紫金
梁邢紅狼西南入垣曲亂世王破甲錐東北入長子壬辰二十
久賊陷遼州齊逼太原九除

流寇志卷二

海鹽彭孫貽昇仁氏著

崇禎六年癸酉正月山西巡撫許鼎臣乞師賊南犯壺關王肇
生還兵救壺關賊分為二一北向窺固關一南向河北懷衛丁
酉^五初賊入畿南山西距順德百里丁未^五左良玉敗賊于沙
縣西斬其渠賊畏之望其旗幟皆靡然賊勢尚熾遂南渡河
癸丑^一進曹文詔都督同知文詔連敗賊于忻代斬千五百級
二月許鼎臣曹文詔屯平定張應昌屯汾州往太原東西以禦
寇左良玉兵攻河北遇賊小有斬獲賊據林縣山中飢民群

附左良玉敗績于武安副將芮琦等守倫王繼統戰死河南兵
七千夫亡殆盡賊以四萬騎從趙寨而東都司蔡如薰禦之于
急呼河中軍曹鳴鶚馬擢相策應至邵原關卒遇賊鳴鶚與戰
勝之天晚結兩營相犄角平明鳴鶚拔刀衝寨戰至已賊益多
火藥盡移營合擢軍營開為賊所乘二將及裨將姚應鵬皆死
鳴鶚驍勇善戰擢持軍觀望不介故敗兵千餘悉沒趙寨賊犯
畿輔已巳初賊潛渡磨石小口并陘兵偪副使寇從化檄守偪
李定王國璽李原馳救之國璽逐賊陷伏中李原援之士卒殺傷
殆盡國璽潰圍出賊長馳保定巡撫丁魁楚副使盧象昇拒却之

象昇以輕兵覘賊遇賊數萬象昇揮兵搏戰身中二矢僕夫斃
馬下援刀戰益力賊乘高臨之後兵至乃免賊分兵向賊潛師
赴滑象昇知之戒守城者無動遂騎出伏林莽賊至伏發大敗
之斬首數千賊目之曰盧閭王不敢復犯曹文詔敗賊于榆社
紫金山象昇回北奔時文詔屢捷張應昌逗留不進三月川
賊寇百文關官軍敗沒罷河南巡撫樊尚燝以玄默代之
賊分道犯河南入青華鎮游擊趙致忠登屋擊賊墜地死游擊
陶希謙屯武安出禦賊日暮移營賊乘之落塹死左良王馳救
青華賊引去復馳武安敗賊于三井獲賊小秦王左良王殺賊

于礦山兵敗提兵鄧玘新立功登萊朝命玘將川兵三千并石砧
土司馬鳳儀兵赴河南河南兵新敗良王勢孤乞救于玘丙

午^{十五}山西兵踞賊臨川自陽城西北戰于仙翁山張道濬令張

璜設伏三纏四賊分道東走璜突起擊之斬其魁生擒賊首滿

天星巡撫許鼎臣獻俘闕下奏道濬功第一四月丙寅^{初五}山西

賊陷平順知縣徐明揚被殺賊分犯汾州靈臺潞澤沁水巡撫

許鼎臣赴平陽山西提兵張應昌尾賊不敢擊詔臨軍提兵曹

文詔以秦師夾擊山西賊紇金梁率二十四營自陝西南渡河

乙酉^{廿四}曹文詔敗賊于陽城斬首千級河南西路賊自輝

縣入青華鎮所在守將敗沒 五月癸巳初山西巡撫許鼎臣
以流賊恣掠請蠲積逋并預免數年額賦不許 已酉八月上以
勦賊諸將功罪應有監紀特命內監陳太金閻思印謝文舉孫
霖監曹文詔張應昌左良玉鄧北軍紀功過催糧餉發內帑銀
四萬^兩蟒素紅緞四百紅絹一千軍前給賞 流賊千餘萬盡至
磁光後五六十里鄧北左良玉會兵彭城踞賊林縣之清池神^柳
泉殲其尖騎九天聖等八十一人其分犯衛輝者巡撫玄默禦
却之 庚戌^十曹文詔破賊小河林遣廷綏副將李甲屯陽城
光萬年屯沁水賊分為二一走沁水一走石峽溝別部犯武安

涉縣一字王領兵王黑蝎子闖將闕塌天八大王九大營自武
安南下圍毛葫蘆兵四百于河溝村殲其衆 賊陷涉縣癸

丑廿曹文詔自澤州趨高平出潞安次黎城丁丑廿左良玉糾

賊于武安擒其謀上山虎劉山小五人斬首二十六己未廿文

詔自黎城進擊賊于遼城毛嶺破之斬首二百二十二捕生二

十四庚申

廿九

文詔屯涉縣偵賊所在夜率五營兵襲于偏店

村斬首一百八十八生擒一十六賊南奔失道墜山填壑亡筭

李卑艾萬年以賊衆馳歸澤州請濟師畿內賊方擾左良玉以

昌平兵北擊賊鄧玘西馳敗賊于胡谷村與良玉兵會遂驅沙

河奪驛馬數千賊自邯鄲南走 四月乙丑^{初五}川兵潰于林縣
石砭土司馬鳳儀戰沒 潞王告急請濟師 丙寅^{初六}河北賊
圍湯陰林輝涉安等縣西路賊自陽城垣曲共會于濟源 泰
將湯九州以昌平兵至河南時流寇為鄧玘左良玉周爾敬三
帥兵所逐從蘇走輝九州自涉至林衝賊之中堅勝于馬鞍山
斬賊首混天王賊奔懷慶濟源 壬申^{二十}曹文詔破賊于涉縣
斬首九十七癸酉^{三十}山西賊陷和順邑神昌平兵偕樂濟眾被
傷不屈投井死丁丑^{十七}李卑自澤州破賊于天津關擒賊首偷
日照睡虎斬首二十五戊寅艾萬年破賊于陽城延家山 辛巳

一廿左良玉破賊于懷慶賊奔潰沿河走溫孟至武陟入太行山
復回林縣湯九州屯水治居安林磁武四邑之中上以中州
賊蔓延大發京營兵命提兵倪寵王欽分將之監以太監楊進
朝盧九德賜二帥各弓矢千五百戰馬三百健丁三百並馳赴
中州夾勦七月癸巳^初鄧玘兵破賊于濟源獲騾馬三百奪
回男女千餘乙未^初賊屯彰德汾州張應昌追勦次汾州汾陽
知縣費中鉅以供億苦逼辱投井死丙申^初山西賊陷樂平
辛丑^十賊陷永和河北賊犯湯陰遂侵彰德左良玉過賊
于湯陰却之陝西山東山西大饑八月丙寅^初山西賊自

翼城逼沁水李罕駐高平王肇生檄趣援不應庚午十一月沁水陷
張道濟合族姓義勇三百人赴城聲言大兵至賊焚城中屋廬
北徙十五里李罕自陽城至進擊賊賊西走罕還軍陽武王肇
生禦賊于長子寇退始至張道濟率其子弟收散亡捕餘賊以
家困治三百人糗糧營于山者七日賊復窺長子肇生馳救之巡
撫許鼎臣列上道濟功道濟方以言事謫戍言者遂劾道濟離
伍冒功巡按山西御史馮明珩阿時旨覆奏謂沁城既失不可
言功戍地一離安所逃罪遂更戍道濟海寧衛陝賊攻隆德
殺知縣賈彥芳圍綏德固原分守叅政陸夢龍以兵往援賊至

甚衆。夢龍握槩直衝賊陳後軍，不進。群夫射夢龍中臂，不能運槩。為賊所得。夢龍每戰當先，賊多識之，齊呼曰：「此能戰陸叅政，今為我擒矣！」夢龍奮擲大罵，槩刺之死。賊退，收其尸，首中五刃，怒色如生。河南諸帥湯九州、有陽邑鎮、拜泉、清涼山、九龍山、王凱塞、原康村七捷，斬賊首混天猴、左良玉、有河村柿、黃山八特三捷，俘斬新立一字王、殺盡王等。周爾敬有都里馬鞍山二捷。京營副將倪寵、王朴以禁旅六千至彰德。九月己亥，初張應昌敗賊于平山，所將卒楊芳獲賊首張有義。即一蓋燈九月，月倪寵、王朴三勝賊于原康，曾底沙縣斬賊首飛天聖等，兵勢

大振賊棄妻子北走五臺山既而復回京營辟之良王九州扼
之京營兵勝于元侯石坡牛尾九州勝于青店沙崗賊勢窮迫
十月賊首賀雙全石虎等乞降于京營焚掠如故歲內賊
至寧晉掠南宮甚慘尋走五臺山周數百里賊據顯通寺其
中新儲皆具倚險自守官軍不敢擊十一月湯九州擊賊于
林縣連戰三日勝之兩盈口再勝之安陽夏村三勝之旁坐寨
清涼山共擒斬四百級左良玉勝之早庄斬首二百山西叅將
曹變蛟勝之涉縣守備孔道興許志忠連營進戰賊夜走濟源
垣曲壬子廿四山西河北賊二十四營乘冰渡河南犯閭鄉破

渑池分道入河南湖廣興平 十二月己未朔河南賊二萬陷

伊陽庚申

初陷盧氏左良玉以旅軍入援擊破之盧氏銀洞溝

刀環川柳泉而賊衆四掠雒陽新安陝州靈寶閿鄉永安汝州

魯山葉縣舞陽遂平確山信陽裕州泌陽桐柏淅川內鄉新野

光化均州等縣 丁丑賊至郢城逼開封日暮雨雪巡撫去

默起湯九州子床曰事急矣宜乘夜襲之九州擊之勝于吳城

鎮追奔五十里斬首四百詰朝及之橫山鎮斬首六百 戊寅

十賊犯南陽

左良玉連破賊于保安趙庄平上關黑山 庚

辰_廿湖廣賊偽為進香于武當者陷鄖西癸未_五陷上津 丙

戊戌陝西賊陷鎮安。秦賊盡入晉豫。延綏賊首鑽天哨開山
斧據永寧關阻山臨河。負固數年。延綏巡撫陳奇瑜謀取之。陽
傳洪總制檄發兵簡衆七千人。搃兵王威將而西。奇瑜躬殿直
抵延川。賊偵知不設備。奇瑜策為東向。令諸將以視吾馬首所
向。疾走入山。賊不虞。大兵至。倉皇四潰。焚其巢。斬首千六百二
賊。死分兵擊賊。斬賊首金翅鵬。獲首二百。斬賊首一座城。獲首
三百五十。咸永盜悉平。威行關陝。

彭子曰。秦盜之發難也。二三成卒。畏捕誅。亡走山谷間。饑人
攘袂而擢食。馬嘶驛徒群噪而傳之。非有輟耕太息下第失職

之夫思憤驚為天下雄也。有良吏焉。拯凶而弭害。蠲租以賑之。俾餒者得食。亡者言還。即有不逞。登高而呼。亦奚應之有哉。不此之虞。而禍亂是崇。雖有荒瘠。莫之省憂。宜乎一決之不復振也。然寇之發也。流戍數十為之魁。餘皆荷鋤南畝者也。曷未以為兵。裂裳以為志。聞金鼓焉。則却而走。雖過百大之旗。而莫聞也。掠虛集。盜牛和。刈芻粟。雖過百雉之城。而莫敢攻也。三晉斷河以為防。秦師扼吭而虜之。無了遺矣。涓、不室遂威江河渡湖。而東則靡爛滅收矣。獵獸者縱之五達之原。不若掩置其窟者。可坐而得獸也。統殷陽臣尚燭玄默。咸非將

相之而委以晉豫數千里之地。覆軍殺將。藉寇以兵。昔漢高不善將兵而善將心。司爵者何人乎。賞罰者所以治軍也。功罪者所以馭將也。道濬以羽林孤兒。得罪荷戈。宜矣。慨然思立功名以自湔雪。乃朋黨之夫。引繩厚誅之。扞陬疆場者。所以扼腕而解體也。

崇禎七年甲戌正月戊子朔。河南巡撫劉令譽會京營兵大破賊于牛蹄淦。斬首千級。西將曹變蛟。驍勇屢破賊。賊深畏之。次則左良玉湯九州兵。至于京營。賊甚輕之。今三路俱捷。始狼狽奔楚河南乃寧。

壬辰

初五

山西降盜王剛王之臣

印豹

通天柱

孝義

也土賊等挾賞至太原巡撫戴君恩于迎春設宴雜壯士于中誘

剛等斬之殺四百九十二人嵐竒大盜高加計即顯道神尤橫會大旱

飢民從賊益衆畿輔兵漸集賊西竄甲午初七乘凍渡渰池入

盧氏張獻忠犯信陽鄧州屯應山洪承疇率諸將逐賊向河

南獻忠西奔商雒遁藍鄠間河南賊自鄖陽渡江蹂穀城掠

光犯新野襄陽賊六路俱集鄉兵不能支賊分四五千入

郢界圍均州往荆門西北至夷陵辛丑四陝賊陷洵陽逼興

安西安土寇乘之漢中震動興安賊連陷紫陽平利白河副使

王在臺固守興安洪承疇赴援賊引去練國事移兵商雒賊南

破鳳縣入四川 癸丑^六陷遷安乙卯^八湖廣賊陷房縣保康南
京兵部尚書呂維祺奏南京鳳泗承天陵寢所在以宿壽襄葉
為咽喉淮徐則京師咽喉也乞勅巡撫楊一鶴急為預備防賊
東犯 二月壬戌^五蜀賊陷興山壬申^五入瞿塘陷夔州大掠
一日去連陷大寧大昌開縣新寧惟梁山以中書涂原集鄉勇
拒之賊不敢攻退入巴州 賊既蔓延秦晉豫楚流突無定廷
議以為各鎮撫事權不一互相觀望宜以重臣開督府統攝諸
道兵討賊制曰可僉謂洪承疇以陝西三邊所恃未易輕易舉
巡撫陳奇瑜威望可辦寇命進為兵部右侍郎兼都察院右僉

都御史提督陝西山西河南湖廣四川等軍務視賊所向隨方
勦撫奇瑜檄諸將會兵陝川游擊將軍陳治策邀擊賊于隰陽
斬首百餘 三月己丑南京右都御史唐世濟上言流寇有
四一亂民一驛卒一饑饉一難氓宜分勦撫上善之 乙未初
川兵破賊于巴州 山西自去秋八月不雨亢旱半載大饑人
相食 大兵四集禦賊盧氏之賊自武關商雒入秦犯漢中興安
秦師逐之復出武關南擾鄖襄承德與函關諸寇分股為三無
慮數十萬官兵尾逐奔走不休仍據擄如故鄖陽撫治將允儀
命兵備副使徐景麟守鄖陽身至襄陽彈壓 四月丙辰朔達撫

治鄖陽神允備以失陷鄖西諸邑也以盧象昇代之川賊復渡
利州河屯平陽白水諸關分四路土人力拒之賊棄奉節楚
賊挾子女屯房縣搃兵張全昌連擊敗之甲戌九發帑銀五
萬兩命御史梁炳賑饑陝西時山西永寧州民蘇倚哥殺父母
炙而食之川賊三萬返楚屯鄖陽黃龍灘分三道一股從均州
赴河南一股從鄖陽赴浙川一股從盧氏往商確張應昌擊賊
于五嶺山敗績亡三百人身被數箭回均州丁丑二川賊復
入陝陷兩當已卯四陷鳳縣三邊搃督洪承疇因裨漢犯甘肅
從漢中北行至棧道青橋驛聞川賊數萬營寧羗返兵漢州援

之賊由陽平關過河奔鞏昌承疇追至成縣見賊勢盛須益邊兵
命副將賀人龍劉成功將兵三千赴藍田夾擊賊時兩當鳳縣
連陷賊分道一犯邊一起漢中知府斷棧道守雞頭岡賊不能
過間道犯城固洋縣官兵禦却之賊走石泉漢陰別股賊二萬
由鳳縣趨寶雞沔陽求撫承疇以兵力不給姑撫之撫治鄖陽
盧象昇、撫督陳奇瑜合數省兵萃于楚楚賊盡西奔漢中川已
通江賊二三千人入西鄉者復盡歸漢中興平接于商雒癸未
廿賊復謀入川阻于大江入西安之終南五月陝賊別股陷
文縣文縣連年夏旱秋早霜冬無雪春不雨斗米七錢延綏西

路數歲不登賊分道一掠鄜延一掠延慶官軍逼之皆走終南山竄商鞅群盜畢集深入大峪亦曰嶠會師逐之東走網谷川遠竄入山已亥十賊突出復陷鳳縣漢南旋就招撫賊一股出棧道西陷麟游永壽東陷同安庚子十賊走鳳翔西趨汧陽隴州

乙巳十洪承疇自漢中西援甘肅

巡撫陝西總國事奏曰

今日最難有五大盜起延綏榆林兵不足轉調甘肅自寧夏甘肅再喪師今防押漢南不足能分以勦賊乎榆林兵止五千蘭奇掄率以勦賊而防秋又當西還兵愈少矣則缺兵之難也西安鳳翔兵荒所留新餉即使盡支不足抵三鎮之用司府無可借

餉將安出則缺餉之難也。旱頻仍有叅罰戴罪有追贓客死
有失城就逮道府且不樂就何況有司。今缺三十餘員何以治
民辦賊則缺官之難也。秦俗惡悍貧宗為甚垂涎賑金漸不可
長則宗祿之難也。秦晉驛遞例不全給今募夫之苦更加十倍
人思遁則驛遞之難也。今請缺官宜急補叅罰宜少減凡在
衝路驛遞宜全給以安人心。洪承疇進兵岐山駐三原賊十
餘萬承疇兵僅三千張毅設伏賊從耀州奔同州時漢中兵三千
四百撫兵左光先將之臨鞏兵三千五百撫兵孫顯祖將之平
涼兵千人副將艾萬年將之僅足城守。撫兵張全昌等兵六千嵩

視賊所向為援勦 六月丙寅二十總督奇瑜撫治象昇勦竹山
竹溪各山寇連戰斬一千七百級奇瑜復敗賊于硤石斬首七
百溺死五千人墜崖死者二千餘人 奇瑜圍闖將于漢中車
廂峽連雨四十日賊馬乏斃死者過半片矢俱脫賊眾大窘闖
將自縛乞降奇瑜許之給免死票回籍復縱橫不可制

彭子曰此時縛而斬之一夫之力卑縱之乃亡天下不亦惜
乎

七月陝西降盜陷隴州 己丑^初洪承疇奏入陝猖獗之賊大
抵十四五萬如官軍止二萬不能四逐恃其勢眾旁伏遠進則

勦寇之難誠多精騎每跨雙馬官軍馬三步七則追逐之難賊
攻堡掠野到處可資官軍須待餉轉運則芻糧之難賊入山負
嶠官軍相持一日則坐誤一日則時日之難請撥鹽課銀三十
萬賑兵加曹變蛟杖鼓其士憤從之 辛卯初賊至鳳翔西關
詐稱奉督撫令挿城內守者知之不啟門給以緇入先登三十
六人盡殺之總督陳奇瑜劾地方官紳撓憤撫局上命緹騎逮
寶雞知縣李嘉彥及鳳翔紳衿孫鵬等五十餘人下刑部獄
叛兵楊國棟擁三千騎入投重鎰直抵西安城下乞撫巡按范
復粹登陴固守巡撫練國事自鄠縣馳還登南城招叛兵至濠

外竟語一日夜未決國事計叛兵必西走鄠藍屋設伏藍屋之夾水溝禾茂泥淖騎不得馳伏候殲其半國事遣兵招之諭斬叛首自贖予上賞一賊斬國棟首以獻賊疑互殺千餘人仍入南山乙未叶承疇進次華州群賊聞之自朝邑北奔澄城郃陽張獻忠奔自成陷澄城圍郃陽聞承疇兵至解圍走轉寇平涼邠州鳳翔賊混世王等東奔西安承疇馳一日夜入西安檄諸路兵擊賊賊至西安東境官兵力疲未能出承疇恐賊出潼關令張全昌曹變蛟間道走渭南遏其前躬率兵追賊至潼關紅鄉溝游擊李致祖相承鎮力戰賊却不能出關因登山承疇

赴藍田欲援山後問道搗之丙午賊覘知官軍意夜走商維
初者回等萬餘先據南維山中又益賊萬餘據山谷險阻承
時率諸將合兵三千赴潼關大谷口截其出仍脩閭鄉靈寶諸
路搃兵九世威兵潰于維南諸軍守隘露宿三月疫痢不任
戰遂潰群賊趨盧氏奔永寧左良玉自內鄉援盧氏慶陽賊
南下烽火徹三原涇陽富平八月上憂寇詔發各鎮四萬五
千並赴河南河南賊流突許禹長葛間凡十三營大營屯永寧
盧氏約九月向山東誘官軍東出謀襲汴梁陝賊陷隴州據
之秦將賀人龍等援隴州賊圍之賊到處烏合簡精壯為前驅

腹婦女老弱急則用之餌官軍諸軍日報斬賊賊終不減賊
前鋒翻山鶴即高傑降于賀人龍人龍率之襲賊營却之 總督
奇瑜移鎮鳳翔集川陝諸軍共擊賊賊數戰不勝盡走漢中入
蜀三邊總督洪承疇以邊兵逐賊賊自鞏昌竄漢中陷夔州列
兵扼巴西諸險無所得食乞降于奇瑜就撫者萬三千有奇皆
延安民斬其渠十人餘令還鄉奇瑜親至漢中檄諸軍按甲無
動遣官護諸降歸陝諸賊未大創本無降意徒以饑疲困地險
不得逞姑從款以舒我師奇瑜檄所過郡邑具糗糧傳送降賊
已度棧道漸不受約束州縣疑非就撫者所至罷市自保賊盡

殺監護官五十員陷麟遊永壽攻突如初 李自成陷咸寧殺

知縣趙濟昌洪承疇兵至賊棄金帛餌官兵西遁屯乾州招之

不聽 閏八月乙酉初陝賊陷靈臺辛卯初陷崇信白水丙申

三陷涇川 河南大旱 壬寅初陳奇瑜至鳳縣時賊益熾北鄰

慶陽西至鞏昌西北至邠州長安西南及藍屋寶雞衆至二十

萬餘奇瑜始悔見給分兵出禦而兵已寡矣 九月賊二十餘營

西至函谷關東至河陽連屯百餘里別賊萬餘連營維南關鄉

癸酉初陝賊陷扶風 庚午初命吳桂巡撫山西代許鼎臣

甲戌初河南賊東至鄆州大隊入黃州廣濟 兵部檄河南

兵入同華湖廣兵入商雒四川兵入漢中興平山西兵入韓城蒲州
丁丑廿四陝賊分三道一由鳳陽破漢中一出略陽由平陽關入梓
潼劍州犯蜀一由寧羗犯廣元 辛巳廿八泐冰疇遣副總兵左
光先援隴州賀人龍圍始解 援師過郾境不戰守者疑其賊
鳴礮傷甚衆 十月癸巳初十河南賊掃地王等趨江北自英霍分據
潛山太湖宿松別部陷陳州靈寶 己酉廿六楚賊自京山間道
趨顯陵遁入山中 大寇仍聚秦中老回以屯武功 總兵左
光先擊關將于高陵富平間斬首四百四十級自成佯求撫于
監軍道劉三顧真寧知縣王家承信之出城招諭失其印三顧

知其詐入堡自守賊走涇原 辛亥廿八河南賊陷廬氏知縣白
櫬自刎死 壬子九上以秦寇猖獗逮陝西巡撫練國事以李
喬代之 官軍三敗賊于華陽南原聞斬首千二百 陝西巡
按傅永淳奏漢南降賊陷城破邑皆由奇瑜帝主招降謂賊已
草心不許道途詰訊郡邑不敢問以致開門揖盜勦撫兩妨皆
奇瑜之流毒也山西巡撫吳燠亦奏招安流賊最宜慎重彼狼
子野心勢難馴服況邊地窮荒蕪居無食僅曰免死遂甘心易慮
乎哉 十一月提督陳奇瑜奏請各鎮撫分地責成從之時撫
局大潰賊氛日熾故有此請 壬戌初江北賊陷英山霍山

庚辰^廿加削陳奇瑜職聽勘廷臣交章劾奇瑜玩寇縱敵重損國威逮下獄論戍 十二月進洪承疇兵部尚書總督山陝川湖河南軍務總督三邊如故承疇拜命整兵東向適西寧兵變殺將領逐守道鎮守太監跳身免承疇還軍定亂賊分陷閬隴西寧既定承疇自甘肅旋師東行賊聞悉衆東奔分道入河南集宛雒間左良玉軍澠池陳永福鄧玘軍南陽頗有斬獲山西防河兵潰入靈邱廣昌走五臺陝西鄖陽所在告急賊游兵下常德彭子曰賊不可驟滅者以其散也赤眉以百萬衆窮而降光武黃巾流毒三輔朱雋段熲數戰而滅之皆攻之于其所聚

也。流寇萃于巫夔，苟令蜀兵斷其巴西，奇瑜合秦晉之兵，威之承疇，悉關塞之甲，搗其虛，賊無類矣。司馬懿曰：用兵有五，不能戰則守，不能守則走，不能走則降，不能降則死。蓋必有以制其死，而後降始。數萬虎狼聚于一方，而無所施其水距者，巫夔為之阱也。當其窮蹙乞降，諸軍嚴守隘，別簡銳師，分屯棧道東，籍其梟傑，暴驚之，徒分隸諸將，以離其黨，挾其老弱，不任執戈者，南畝之民願歸井里者，郡縣分而析之，計道里之遠近，遠者先之，近者後之，行止有程，留而剽于途者，擊殺之，無遺類。賊以款愚我，我借款以滅賊，不動生色而盡之矣。奈

何觀因獸之辟耳而信其無攫搏也。道之出險跳踉而起豈復能檻而致之乎。故疆臣之失策必首罪于奇瑜焉。

崇禎八年己亥正月秦賊盡集宛雒河南巡撫玄默飛章告急。張獻忠東走掠廬鳳安慶。秦賊出關分為三一自陝州上平陽入山西一自武關向襄陽入湖廣一自盧氏東向犯河南。北河南北諸盜復分為三一走伊關汝水破滎陽汜水滎陽知縣楊守節棄城走。賊斬關入舉人張治載馬德茂率家丁巷戰殺三十餘人。賊愈衆不能支為所害。汜水知縣劉通與邑紳御史禹好善嬰城內外殺傷相當。會日暮賊發礮子手穴城城陷。

屠之好善死通易服走免賊東掠至鄭州知州趙世用與教官
呂涵炳已紳魏尚賢設守賊不敢犯逼朱仙鎮分道犯商州陳州
一自葉至郢城上蔡南圍汝寧守將陳邦治力却之一自懷慶
東渡河掠歸德睢州陳州分犯汝州郟縣其襄陽賊鈔唐縣沁
陽與汝寧賊合凡十五營衆數十萬並入襄陽境河南賊張大受
掃地王滿天星破天王亦十餘萬鄧玘馳救汝州賊已去河北賊
犯商邱却之遂掠許左良玉兵遏賊于許不戰賊飽掠徐引去
西圍華州陳永福禦却之河南賊攻河南鞏縣不克鄧玘左良
玉分道襄郟逐賊賊南走圍光山固始不克 陝賊陷靈寶臺

河南賊犯南陽別股復入漢中陷寧志轉入臨鞏 兵科給事中常自裕奏曰中原天下安危係焉今賊衆一從南雄趨河汝一由鄖津走南陽僅以左良王一軍塞新淦陳治策喬國柱張勳數營扼汝州陳永福孤軍堵南陽賊勢甚衆兵力日分大小七十二營之賊有二三十萬之多蜂屯伊嵩宛雒之間有侵汝寧鄭宋之勢左良王一軍以外無一旅可資堵扼何所畏而不長驅哉今雖遣張全昌曹文詔秦翼明鄧玘諸將皆兵不滿萬猶以杯水救車薪之火也督師承嘏復以西寧兵變還秦矣乞更調閩寧兵五六千天津兵三四千統以廉勇之將特遣侍郎

朱大典仗節視師庶可救民水火腹心無決裂之憂矣 上發

關遼兵二千命祖寬將之而南詔諭鄖楚諸撫協勦河南賊命

總兵左光先控臨鞏西漢曹文詔扼河雒商陽鄧北隨方夾擊

洪承疇居中調度廷臣更請大發兵兵部議調西北邊兵及南

兵共七萬二千餉九十三萬六千內庫銀二十萬

留天津餉七十八萬湖廣

餉十三萬四川餉三萬 齎赴督臣軍前詔發關寧鉄騎五千張邦嘉尤世

禔將之天津兵三千徐來朝將之羅壩兵三千譚大孝將之命

洪承疇統率大兵出關節制鎮撫將領合力勦除期以六月掃

蕩廓清立頒上賞如仍留餘孽督撫諸鎮立賞重典巡按御史

不從公據實奏並論上復諭承疇賊勢蔓延各鎮撫原有崇
韓承疇其審酌兇焰披猖之處馳兵殲勦撫鎮玩違不遵節度
及援師干犯軍紀者分別參治務期依限蕩平進止緊不中制
賊以英山霍山為巢穴野掠黃麻間又破隨州羅田 丁巳
初河南賊屠汜水陷固始入霍山賊游騎焚來安關麻戊午天
長獲賊諜烏風鬼黑旋風鬼見愁知縣文廷高燔四關屋廬以
自保己未初賊游騎鈔義界在天長六合泗水適中巡按御史亟發狼山
徐州兵逐之遁去大寇至正陽庚申初河南賊陷霍邱殺邑紳
田既庭戴廷對舉人王家楨賊分三道一趨六安一趨鳳陽一

趙頴濬揚州水陸二軍屯紅心驛偵探不設賊以萬人圍之而
軍藏馬脫者數百人遂焚紅心驛辛酉賊至大柳分為三二趙
濠梁一圍臨濬一走壽州壬戌十一圍壽州同日陷頴州知州尹夢
勣被創落水死弟侄尹玉等共死七人通判趙士憲城陷猶拔
金簪募死士殺賊力盡同妻崔氏并二女闔室死之指揮同知
李從師王廷俊千戶孫升田三震百戶羅元慶田得民王之麟城
守被殺教官周逢泰遁去丙寅十五賊首掃地王太平王長驅至
鳳陽無城郭官軍皆潰無迎敵者焚皇陵樓殿燔松三十萬株
焚守陵太監署殺內官六十人縱高牆罪宗燬龍興寺中都留

守利國相巷戰殺賊數十人手腕俱斷走免指揮使包文遠揮
刀陷陣流矢中脇被執欲降之罵賊賊砍斷左臂罵不已斷頭
乃死班軍降者殺者三千人推官萬文英等六人指揮使程永
寧千戶盛可學百戶趙國俊舉人蔣思憲等四十一人皆死之
知府顏容暄匿獄囚中賊縱囚獲之賊首背蓋鼓吹坐堂上杖
殺容暄屠士民數萬大行殺伐擧嬰兒剖孕婦燔公私廬舍二
萬二千六百五十餘間光燭百里賊列幟自稱古元真龍皇帝
縱掠三日擄濠梁驛馬數百驛丁卯_上命洪承疇星馳赴鳳
陽督諸道兵進剿戊辰_上太監盧九德提兵楊御蕃以川兵三千

救鳳陽總兵倪寵將京營及滁州游騎遇賊朱龍橋分兵上池河
定遠已已八破賊磨盤山賊聞川兵南京兵漸逼杯筵卜神祠
不利割神像大行殺擄拔營南下趨廬州賊盡銳仰攻梯具礮
以入踞城北樓歌呼飲知府吳太朴合壯士飛砲外擊賊首與
樓俱碎城得全甲戌三月陷巢縣殺知縣取其印攻舒城知縣章可
試塞三門開西門誘賊陷于坑奔潰死千人因掠霍山合肥是
日聞六合裸婦女數千罵城下媿沮者磔之聚小兒百十環木
焚之聽哀號為笑樂攻三日而去發餉金二十萬助勸餉發
太僕銀十萬輸西安撥湖廣餉十九萬資鎮筓等兵鹽課十萬

留淮揚以防寇逸初兵部會戶部調南北兵七萬馬一萬五千
每兵食銀三分米一升五合馬食草一束銀二分豆三升銀二
分五閏月約十一萬金 戊寅^廿舒城賊抵廬江邑人具幣求
免偽許之夜襲城城陷殺鄉官盧謙舉人張大受畢伊周已卯
心陷無為州 洪承疇次河南賊聞承疇兵至又入潼關承疇
遣副總兵來龍昌以兵千二百戍西安今總兵秦翼明徐來朝
間道向山東趨徐州捍江北逸寇庚辰^九江北賊滿天星徐大
受攻桐城不克賊首乘輿繞城呼降守將游擊潘可大將晚兵
三百人偕知縣陳爾銘設守遣兵射中其腰夜走去張大受捕

地王破天玉千餘萬衆分掠潛山太湖霍山宿松諸縣潛山知縣趙士彥重傷死太湖知縣金應元訓導扈永寧遇害諸邑多山氓習獵射虎豹藥弩高弓俱備所在結寨殺賊賊入山每為所敗遂西向圍麻城抵漢口鄆州道副使許成名屯棗陽湖廣巡撫唐暉屯漢陽俱結營自守不敢進應天巡撫張國維駐安慶二月壬午朔命總兵曹文詔勦寇陳許時湖廣兵扼賊賊走攻陷太湖河南賊迫于諸道兵其在南陽者過應隨往棗陽在汝寧者入黃州文鳳穎諸賊擾英霍斬黃一路殆遍高盧靈陝諸寇密通潼關雒南者又析入秦中約六七萬西安諸賊並遭

蹂躪有四大營北渡渭剽突郿耀間山西諸賊則在平陽汾州
諸縣野掠土寇助之 癸未二初巡按鳳陽御史吳梈纓疏至上
聞皇陵之變素服避殿親告太廟命百官修省素服從事逮巡
撫楊一鵬守陵太監楊澤并振纓下獄澤自殺一鵬論死梈西
市振纓遣戍侍讀倪元璐上言盜賊之禍震及祖陵國家大辱
極矣陛下下罪已詔非徒空言今民最苦莫若催科未敢真停
加派惟請自崇禎七年以前一應逋負悉可改從折色此于下誠
益于上無擾民之脫此猶去湯火至發弊而追數十年之事科
章一上蔓延不休扳貽而旁及數千之人部文一下冤號四徹

誰以民間此苦告諸陛下者及今不圖日蔓一邑必至無地非
兵無民非賊刀劍多于牛犢阡陌決于戰場陛下安得執空版
而問之兵焚之區哉上是之江城賊陷潛山乙酉初陷羅田知
縣梁志仁被殺張獻忠老回西走商州復至秦川楊御
蕃即次鳳陽洒掃園林上命御蕃衛陵駐鳳陽馬燭守徐州尤
世威秦翼明星馳鳳泗總督臣節度乙未^{十四}命侍郎朱大典
總督漕運巡撫鳳陽同洪承疇協勦承疇奏請四川撫鎮移夔
門達州進援重襄漢湖廣撫鎮分駐承天襄陽鄭撫移駐鄭襄
漕督移駐潁亳進援汝寧歸德山東撫臣移鎮曹濮進援江北

江南山西撫臣移駐蒲州進援靈陝陝西撫臣移駐商州調度興
安漢中河南撫臣移駐汝南南陽保定撫鎮移駐邯鄲磁州可
南北策應從之 湖廣賊熾上命巡按御史俞應桂守承天護
陵檄黔兵施南安土司冉氏兵五千協守 山西巡撫吳桂奏
山西兵破賊閭鄉陝西巡按御史傅永淳奏唐通左光光破賊
漢中 二月癸丑^初湖廣賊陷麻城 丙辰^初科臣劉含輝上
言乞蠲陝西八年以上逋租不許 庚申^初鄆黃寨民擒大盜
爬天玉唱亂十二年陷十州縣其子曰咬人心目髮俱赤身長
八尺餘至是被擒自言天亡非戰之罪也 鳳陽賊奔鄆黃洲

承疇次汝寧令鄧玘扼賊毋使入江北令曹文詔邀之隨應間
分遣賀人龍劉成功駐信陽泌陽堵其入豫 壬戌討漢中賊

陷寧卷

丙子北報川兵叛于樊城殺提兵官鄧玘川兵輕銳

素能戰鄧玘貪黷無紀所至縱兵淫掠騎營叛攻玘標將王元
成家丁鼓噪殺其二僕玘避登樓焚樓墜火死全營北竄步營
未動潁承疇令副提兵賈一邈周繼元分鎮之 兵科給事中
常自裕上言上命調兵七萬實不滿五萬分之各處未足遏賊
鳳陽焚劫四日而馬嶺至歸德圍解三日而鄧玘來潁漢寧盧賊
返旆而北尤世威等信尚杳然至賀人龍等到處淫掠所謂賊

梳而兵篋也。惟皇上嚴飭以信軍法。四月乙酉^初洪承疇次汝州。聞群盜復入秦。自率賀人龍、劉成功返秦。檄曹文詔自楚以兵來會。丙午^七次靈寶。文詔自南陽至。承疇以商雒為賊藪。漢中興平其假途。令文詔出閬鄉。搗商州。雒南躬馳興安。遏其奔軼。五月^初承疇次高陵二十里。賊知承疇至。奔醴泉。興平承疇折而西。夜渡渭。赴西安。謀討商雒大賊。甲寅^初曹文詔夜至五谷。賊以千騎伏險。誘我文詔擊敗之。張全昌自咸陽出興平。東老回^一等直薄西安。連營四十里。拒官兵。我師次夏杏林。命賀人龍入子午谷。扼其南徑。劉成功及游擊王永祥趨東南。

過其北走賊以此不敢南渡盡奔武功扶風其夜賊從扶風之
教坊塘渡渭走郿時恐其東奔渡渭追賊丙辰初七至王梁鎮
賊方下南山四掠賀人龍劉成功擊走之追之大泥峪賊舍騎
登山賀人龍劉成功王永祥共斬二百餘級丁巳初八大軍至郿秦
王嶺遇寇張全昌擊敗之商雒之寇盡入終南山餘寇西奔興
平冬春之際寇散入豫楚至是悉萃于秦 六月壬午初四達河
南巡撫玄默 乙酉初七搖天動襲陷西和賊分其黨二千人偪
西和州州麥出入無禁夜代門者守麗譙搖天動潛師夜至門者
繼之入無覺者遂陷知縣耿桂芳縋城走 秦賊入山西者盡

走河南、顯道神治地。草鄉里人三營留晉巡撫吳玠謀合兵勦滅之。會西人入塞，斂兵防河以拒敵。賊復滋蔓，玠以病乞歸。戴君恩代之。晉師盛，賊窮乞降。君恩撫之，賊仍肆掠。山西按臣劾君恩逮下獄。草秩丁酉九月，免陝西巡撫李喬以甘肅濶巡撫陝西。己亥十一月，總兵張全昌、副將賀人龍破賊于陝西清水，斬首百八十。庚子二月，賊失利。辛丑五月，都指揮張應泰、田應龍追賊張家川中，伏戰死。丙午八月，總兵曹文詔追賊沙羅寨，恭將曹變蛟為前鋒，直前衝賊，斬賊五百有餘，乘勝窮追三十里。文詔自率步卒殿後，寇伏數萬騎大至，兵寡無繼，力竭自刎。文詔敗。

戰前後殺賊數萬為賊所畏官軍聞之奪氣賊擾豫楚南突
江淮洪承疇方與闖王闖將相持關中未遑南討乃命鄭陽撫
治盧象昇總理直隸河南山東山西川湖軍務郅中諸賊亦與
象昇相持不得越楚老回回等出潼關下河南潁鳳河南則陷
光陝江北則陷潛太宿巢合和諸州縣于是以宋祖舜代象昇
撫治鄭陽專命象昇總理統關遼兵討賊進象昇兵部右侍郎
彭子曰西寇皆邊兵也久歷行間其中必有勇敢能者敗奔
之餘必設伏以拒其後諸將之陷其伏者已非一矣文詔將
數千之衆以躡數萬之寇其自敗也宜哉惜乎狃于累勝而

不虞其誘也

七月漢中賊復犯蘭州川東

癸亥五陝西

賊陷澄城

八月壬午

初五

賊陷咸陽殺咸陽知縣趙濟昌

丙戌

初九

左良玉躡賊于河南鎮平廣澤山斬首二十七級賊

走南昌魯山良玉回南陽賊衆逼近汴梁癸卯六上賜盧象昇

尚方劍便宜行事節制中原洪承疇勦寇西北黎鼎勦寇東南

如賊入秦進兵合擊丁酉七商維賊復入河南犯盧氏甲辰七

左良玉破賊于鄆城斬首百八十游擊趙桂破賊葉縣斬首百

四十九月壬戌五張全昌兵敗績于沈邱以陳必謙巡撫

河南十月壬辰五老回一陷陝州賊合其黨餘包馬似公徒

捧檄者換馬于陝州突入南關遂陷是日關將犯淳化知縣趙
之琴擊走之 關王犯秦州不克東犯扶風官軍擊走之追屯
乾州承疇令降將高傑說之不聽南走武功承疇統秦師分道
擊賊賊累戰不勝關王率大隊自藍屋武功分道渡河 乙巳
心上下罪已詔避居武英殿減膳徹樂除典禮外惟以青衣從
事 十一月丁未朔老回犯南杞知縣何騰蛟擊走之 甲
寅初老回犯鄧州 陝賊一字王八大王即獻忠擁衆二十萬
擄天王衆十七萬出潼關犯閿鄉靈寶大隊東行塵橫四十里
老弱居中精騎在外絡繹百里左良玉裨寬西軍相隔七十里

遙望山頭不敢邀擊陳必謙檄李雲程劉聲基扼宜陽牟文綬
自歸德趨守汴必謙駐靈寶賊從張茅硤石乾濠諸路截燒糧
草諸軍乏食秦賊犯涇陽耀州三原屯于郿州綿亘百里已
未祖寬破賊整齊王于九高山潰而為二東走偃葦南走汝
州陳必謙左良玉扼偃葦祖寬截汝庚申祖寬破張獻忠于
姑家廟辛酉賊焚河南關廂而西丙寅八大王整齊王闖
王闖塌天大會龍門白沙連營六十里祖寬輕兵夜襲之斬首
千級寬于雒陽三戰三捷軍聲大振群盜東南奔光固入霍邱
進逼鳳陽淮督朱大典將標兵二千三百馬壙將徐州兵二千

五百狼山兵三千楊御番將沂兵五百倪寵將京營兵三千並
馳壽州 闖將留秦中有衆七八萬承疇邀之廊延宜陽不得
渡河州縣堅壁清野賊饑東西分竄承疇令寧夏提兵祖大弼
屯涇陽甘肅提兵柳紹宗屯咸陽左良玉曹變蛟屯關上賊屢
戰不勝承疇合諸道兵大破之過天星即忠登相走闖鄉諸軍追擊
連勝之窮蹙乞降闖將屯興平武功中部宜若諸縣諸將屢敗
之計窮乞撫連營屯諸縣關廂陞遣諸盜攻掠山谷村堡搜掘
窖藏芻糧賊既得食連營西走漢中

彭子曰諸賊之中莫狡于張獻忠莫倔強于闖將彼其烏禁

自雄姿未嘗肯為人下大寇盡入中原闖過已為秦師所遮
不得東渡二盜既窮剪滅之不再計矣屢以撫慰我而我終
不悟乘西川之虛出柙西竄于洪承疇亦何誅乎

十二月乙酉

初九

閩王曹操合群盜數十萬自羅山息縣圍光州

昇大礮二十座攻城城崩火作賊乘而入屠戮官民無遺 庚

寅四漢中賊自鳳縣三江口奔黑谷渠群盜會于馬道東溝分

為三由棧道犯城洋漢南一由略陽犯陽平一由階文犯白水

搃兵伊良柱將川兵六千入秦赴漢南辛卯

五

賊從武關馬道

至城洋固縣乙未十川兵破賊馬麗坪賊走洋縣戊戌廿黎明

參將羅尚文

或曰羅千革

破賊濟水河桑溪口斬首百餘庚子四追

至子午谷奪回子女二千以賊奔饒風關

庚子八大王合諸

賊圍廬州知府吳太朴合肥知縣熊文舉拒却之未大典援廬

州賊解圍分掠含巢縣聞廬州被圍先已空城走賊至無所

得舍山之人具小舟以待賊至遁入巢湖城門大開賊整隊而

入住舍山將度歲分兵襲和州奸人內應城陷知州黎弘憲學

正康正諫訓導趙世選把總周廷儒死之原任御史馬如蛟全

家殉難

兄運使如虬諸生如虹俱死之

遂陷霍山教諭龔元祥訓導姚允恭死

之賊入兵部尚書張鶴鳴被賊執索金帛皆古玉陶器刀劈分

其頂至踵鶴鳴家多火器蒼頭軍屢傷賊賊怒故害尤酷云副使鶴騰年八十二賊拽至鼓樓前罵賊而死原任副使盧謙諸生韓光祖葉漳等俱死鄉紳劉道遠田之頴李生白丁嘉遇舉人白精忠郭三條生員楊于世熊叶夢樞之槐韓廷美等皆遇害是時殺慘慘毒亘古未有有縛人夫與父淫其妻女然後殺之者有驅人父淫其女而後殺之者有裸孕婦共卜男女剖驗以為戲者有以大鍋沸油擲嬰兒于內以為樂者縛人于地剗其腹實以米豆飼群羊取人之血以米麥和煮粥以餵騾馬凡所擄子女千百賊臨行不能多帶乃盡殺之而去 乙巳九

八大王合群盜自和州沿江下圍江浦縣知縣李維樾把總將
若來陳于玉合薊兵固守然炮傷賊甚衆總城奮擊賊死傷數
百人走還和州丙午除八大王屯含山巡按御史張任學以兵
屯泗州護陵罷湖廣巡撫唐暉以余應桂代之